

Պ Ա Յ Մ Ա Ն Ա Գ Ի Ր

Ռուսաստանի Դաշնության Ռոստովի մարզի, Մյասնիկովսկու շրջանի վարչակազմի /ադմինիստրացիայի/ և Հայաստանի Հանրապետության Արարատի մարզի Արտաշատի քաղաքապետարանի միջև եղբայրական կապեր հաստատելու մասին.

Ռուսաստանի Դաշնության, Ռոստովի մարզի Մյասնիկովսկու շրջանի ղեկավարությունը ի դեմս Մյասնիկովսկու շրջանի ղեկավար Ա.Մ.Պոռկշեյանի, գործող „Մյասնիկովսկու շրջան,, մունիցիպալ կրթության կանոնադրության հիման վրա, և Հայաստանի Հանրապետության Արարատի մարզի Արտաշատի քաղաքապետարանը ի դեմս քաղաքապետ Գ.Ս.Մուրադյանի, գործող „Հայաստանի Հանրապետության Արրատի մարզի Արտաշատի քաղաքապետարանի աշխատակազմ,, համայնքային կառավարչական հիմնարկի կանոնադրության հիման վրա, ձգտելով ընդլայնելու և ամրապնդելու բազմակողմի կապերը, ցուցաբերելով բարի կամքի, լիիրավ փոխշահավետ համագործակցության դրսևորումներ, որոնք բխում են բնակչության շահերից, ձեռք բերեցեին պայմանավորվածություն ներքոհիշյալի մասին:

Հոդված 1.

Հաստատել եղբայրական հարաբերություններ Ռուսաստանի Դաշնության, Ռոստովի մարզի Մյասնիկովսկու շրջանի և Հայաստանի Հանրապետության Արարատի մարզի Արտաշատի քաղաքապետարանի միջև, որը կգործի իրենց լիազորությունների սահմաններում՝ Հայաստանի Հանրապետության և Ռուսաստանի Դաշնության օրենսդրությունների, միջազգային իրավունքի համընդանուր չափանիշների պահպանմամբ:

Հոդված 2.

Կողմերը կնպաստեն առևտրատնտեսական և մշակութային փոխշահավետ համագործակցության ընդլայնմանը, ձեռնարկատիրական գործունեության զարգացման պայմանների ապահովմանը, ի նպաստ մրցակցային ապրանքատեսակների արտադրության հնարավորությունների մաքսիմալ օգտագործման:

Հոդված 3.

Կողմերը հաստատում են առևտրատնտեսական հարաբերությունների զարգացման, հեռանկարային միջոցառումների պլանների համատեղ իրականացման անհրաժեշտությունը, առևտրատնտեսական, կրթության, մշակութային, էկոլոգիայի և շրջակա միջավայրի պահպանման, ֆիզիկական կուլտուրայի, սպորտի և տուրիզմի բնագավառներում:

Հոդված 4.

Կողմերը իրենց լիազորությունների շրջանակներում և տնտեսական համագործակցությունների ուղիների ընդլայնման նպատակով, պլանավորում են /նախատեսում են/ պատվիրակությունների, աշխատանքային խմբերի փոխայցեր մունիցիպալ կրթության և գործարար շրջանակների ներկայացուցիչների կազմով: Կողմերը կատարում են փորձի փոխանակում ձեռնարկատիրության և անհատական նախաձեռնության զարգացման ուղղությամբ:

Կողմերը իրականացնում են ներդրումային նախագծերի ծրագրերի

նախապատրաստման և ռեալիզացման համատեղ իրագործման համագործակցությունը: Կազմակերպում և աջակցում են Կողմերի ձեռնարկությունների արտադրանքի ցուցահանդեսների և տոնավաճառների անցկացմանը:

Հոդված 5.

Կողմերը աջակցում են կապերի զարգացմանը սոցիալական մշակույթի բնագավառում, խրախուսում են թատերական խմբերի, թանգարանային նմուշների, ստեղծագործական խմբերի, սպորտային պատվիրակությունների փոխանակման և զեղարվեստական ցուցահանդեսների, կոլեկտիվների և անհատ կատարողների հյուրախաղերի, մասսայական սպասույթի միջոցառումների անցկացմանը:

Տուրիզմի երկկողմանի զարգացման նպատակով Կողմերը աջակցություն են ցուցաբերում համատեղ նախագծերի իրականացման գործում:

Հոդված 6.

Կողմերը մտադիր են համատեղ երկկողմանի խորհրատվության և բանակցությունների շրջանակներում, հիմնված փոխհամաձայնության վրա, լուծել հարցեր, որոնք կառաջանան գործող պայմանագրի իրականացման ընթացքում:

Հոդված 7.

Կողմերը կարող են կազմել համագործակցության տարբեր ուղղություններին առնչվող արձանագրություններ և համաձայնագրեր, որոնք կոնկրետացնում են սույն Պայմանագիրը:

Հոդված 8.

Սույն պայմանագիրը ուժի մեջ է մտնում երկու կողմերի ստորագրման օրվանից:

Կողմերից յուրաքանչյուրը կարող է առաջարկել փոփոխություններ կամ լրացումներ կատարել սույն պայմանագրի մեջ:

Փոփոխությունները կամ լրացումները ձևակերպվում են լրացուցիչ արձանագրություններով, որոնք հանդիսանում են սույն Պայմանագրի անկապտելի մասը:


Հոդված 9.

Սույն պայմանագրի ազդեցությունը կարող է դադարեցվել /ուժը կորցրած ճանաչվել/ Կողմերից յուրաքանչյուրի միջոցով, մյուս Կողմին մեկ ամիս առաջ գրավոր տեղեկացմամբ:

Կազմված է հայերեն լեզվով, երկու օրինակից, ունի իրավական հավասարազոր ուժ:

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐԱՐԱՏԻ ՄԱՐԶ, ԱՐՏԱՇԱՏԻ
ՔԱՂԱՔԱՊԵՏԱՐԱՆ

ՌՈՒՍԱՍՏԱՆԻ ԴԱՇՆՈՒԹՅՈՒՆ
ՌՈՍՏՈՎԻ ՄԱՐԶ, ՄՅԱՆԻԿՈՎՍԿՈՒ
ՇՐՁԱՆԻ ՎԱՐՉԱԿԱԶՄ


Գ.ՍՈՒՐԱԴՅԱՆ


Ա.Ս.ՊՈՐԿԵՇՅԱՆ

„ 01 „ 12 ----- 2013թ.

„ 01 „ 12 ----- 2013թ.